
Ҳосилдорликни 90 центнердан оширган фермер хўжаликлари сафи кенгайиб бормоқда

Бағдод туманининг барча ҳудудларида ғалла ўрими авжида. Жорий йилда 7 минг 600 гектар майдонда бошоқли дон етиштириб, ундан 27 минг 100 тоннадан зиёд ҳосил йиғиштириб олишни мақсад қилган миришкорлар ўрими ишларини уюшқоқлик билан олиб бормоқда. Жараёнда 20 та дон ўриш комбайни ва 144 та дон ташиш (юк автомобиллари), 4 та кўчма устахона ва 8 та ёқилғи ташиш техникаси мавсумни уюшқоқлик билан ўтказиш учун жалб этилган.

Мавсум бошидан буён (18 июнь ҳолатига) 13 минг 852 тоннадан ортиқ дон умумий хирмонга уюлди.

Илғор ғаллакорлар эса бирин-кетин зафар марраларини забт этишмоқда. Эътиборлиси, маррани забт этган кўпгина хўжаликларда ҳосилдорлик 90 центнердан зиёдроқни ташкил этди. Жумладан, “Яшил водий пахтазори” (94,8 ц), “Ҳосиятхон қизи Ҳадичахон” (95,9 ц), “Бағдод учқур тулпори” (90,0 ц), “Мўл ҳосил” (92,4 ц), “Хайрун самарун” (90,8 ц), “Солижон Аҳмедов” (91,2 ц), “Замин зиё” (98,7 ц), “Музаффар Ҳошимов боғи” (90,4 ц), “Исломбек Муҳаммадалиев” (91,7 ц), “Муҳаммаддиёр ғалласи” (93,9 ц), “Бағдод Абдуқундуз” (93,1 ц), “Турғунали ўғли Муроджон” (91,0 ц), “Ғайрат Шерали Бағдод” (93,4 ц) ва “Меҳмон ота гавҳари” (91,1 ц) каби фермер хўжаликлари энг юқори ҳосилдорликка эришдилар ҳамда туманда биринчилардан бўлиб ғалла топшириш режасини ортиғи билан бажардилар.

Ўрими-йиғими мавсуми уюшқоқлик билан давом этмоқда.

Бағдод тумани ҳокимлиги Ахборот хизмати.

2023-06-19 14:15:26